

Die Technik.

Me Herrle wor guet sechzech Johr,
Wollt met ön Böschömör Züggle fohr
On liöf noch Wäwört o die Bo,
Dann dos wor die nöest Statio.
Me Tante wor ach noch dörbei,
Die wonnört: "Jöddech, dos es fei!
Mi hockt sech en ös Züggle nei
On zehlt noch gorniet racht bes drei,
Do konne schu en Neuscht gösei."
"Ja, dos sen werlech tolle Sache
Bu die Mensche heut so mache,"
Söt me Herrle voll Respekt.
"Dos technesch Zeuch, dos es perfekt!"
Bi nue die zwee för Wäwört sen
On sänn ös Dörfle friedlech len,

Rüft me Tante:"Ferdnand,dört!

Do fört ös Züggle jo schu fört!"

Me Herrle konnt noch guet göschnauf

On go ös Rennä nit gleich auf.

Hä waank on riöf:"Zum Dunnörstoch!"

On spraank ön Züggle hennänoch.

Nit lang,noch droet hä wiedör bei

On liös ös Züggle Züggle sei

On watört - gornit voll Respekt -:

"Bann die Technik närä vörreckt!"

~~Streng gönumme es en ganze Lawe so,~~

~~MixxölxjedäxSachexäschkxhennennöchxlo.~~

xxxxxxxxxxxx

Streng gönumme es en ganze Lawe so:

Ä Sache bumme nit kennt sollme nit lo.

+++++